



UGOVOR

o nabavci rezervnih dijelova za regulaciono mjerne setove (rezervni dijelovi za regulatore model 1893B i 1853, sitni dijelovi i dijelovi za daljinsko očitavanje)

Ugovorne strane:

KJKP "Sarajevogas" d.o.o., ul. Trg Fadile Odžaković Žute br. 4, Sarajevo
Koga zastupa: Direktor Preduzeća Mr.sc.Nihada Glamoč dipl.ing.maš. (u daljem tekstu: Kupac)

i UNIS FAGAS d.o.o., Rajlovačka bb, Sarajevo
Koga zastupa: Direktor Alen Gradašević (u daljem tekstu: Prodavac)

Član 1.

Predmet ovog Ugovora je nabavka rezervnih dijelova za regulaciono mjerne setove (rezervni dijelovi za regulatore model 1893 B i 1853, sitni dijelovi i dijelovi za daljinsko očitavanje) po provedenom pregovaračkom postupku bez objave obavještenja broj PP 05-01/19 od 23.01.2019.godine. Prodavac je dostavio ponudu prema obrascu za cijenu konačne ponude, Aneksu III, Kupca, koji je priložen uz ovaj ugovor i predstavlja njegov sastavni dio. Sadržaj i vrijednost roba iz stava 1.ovog člana, Obrazac za cijenu konačne ponude,Aneks III, priložen je ovom ugovoru i predstavlja njegov sastavni dio.

Član 2.

Ugovorna vrijednost robe iz člana 1. ovog ugovora, bez PDV-a iznosi: 215.861,41 KM (slovima: dvjestopetnaesthiljadaosamstoždesetjedna i 41/100 KM), a jedinične cijene su fiksne, specificirane su u prilogu ovog Ugovora i čine njegov sastavni dio.

Član 3.

Prodavac će robu iz člana 1. ovog ugovora isporučivati i fakturisati prema sukcesivnim narudžbama Kupca tokom trajanja ugovora. Ugovorne strane su saglasne da se kvalitativni i kvantitativni prijem isporučene robe izvrši od strane ovlaštenih predstavnika svake ugovorne strane u skladištu Kupca u Butinama. Rok isporuke robe iz člana 1.ugovora je 20 (dvadeset) dana od dana dostavljanja narudžbe. Uz isporučenu robu Prodavac se obavezuje dostaviti i svu tehničku dokumentaciju.

Član 4.

Plaćanje isporučene robe Kupac će izvršiti u roku od 30 (trideset) dana nakon izvršene isporuke robe od strane Prodavca i uredno ispostavljene fakture, na transakcijski račun naznačen na fakturi Prodavca.

Član 5.

Obaveza Prodavca je da u roku od **sedam (7) dana** računajući od dana potpisivanja ovoga ugovora dostavi Kupcu garanciju za dobro izvršenje posla u iznosu od 10% od vrijednosti ugovora u obliku bezuslovne bankarske garancije sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana. Ukoliko Prodavac obavi sve isporuke i sve ugovorene poslove kvalitetno i u roku, Kupac će u roku od petnaest (15) dana nakon realizacije ugovora Prodavcu vratiti pomenutu garanciju. Ukoliko Prodavac ne dostavi traženu garanciju u zadanom roku iz stava 1. ovog člana, zaključeni ugovor će se smatrati apsolutno ništavnim.

Član 6.

Obaveza Prodavca je da isporuku robe izvrši u roku, količini i kvaliteti kako je ugovoreno. Isporučena roba mora u svemu odgovarati tehničkim karakteristikama i uslovima datim u tenderskoj dokumentaciji Kupca i prihvaćenoj ponudi Prodavca.



Član 7.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumjevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorne strane, niti se objektivno mogu predvidjeti, a sprječavaju jednu ili obje ugovorne strane.

Član 8.

Prodavac nije ovlašten da zaključuje podugovore sa drugim licima u cilju realizacije ugovorenih obaveza bez predhodnog pismenog odobrenja Kupca.

Član 9.

Ukoliko se Prodavac ne bude pridržavao odredbi preciziranih ovim ugovorom, a koje se tiču kvaliteta isporučene robe, Kupac zadržava pravo da predmetnu robu vrati na teret Prodavca, uz naknadu štete.

Član 10.

Za svaki dan kašnjenja u isporuci robe Kupac će Prodavcu zaračunati penale u iznosu od 1% s tim da ukupan iznos penala ne može biti veći od 5% ukupne vrijednosti ugovora.

Član 11.

Ukoliko Kupac u ugovorenom roku iz člana 4. ovog ugovora ne plati isporučenu robu, obavezan je Prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 12.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 13.

Ugovorne strane su saglasne da Prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili koja su angažovana kao stručna lica u pripremi prijedloga za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 14.

Na sve odnose i institute koji nisu navedeni u ugovoru, a pojave se prilikom realizacije, primjenjivat će se odgovarajuće odredbe Zakona o obligacionim odnosima.

Član 15.

Ovaj Ugovor stupa na snagu danom potpisivanja od strane obje ugovorne strane, a sačinjen je u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka.

Član 16.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca

Direktor:


Alen Gradašević



Za Kupca

Direktor Preduzeća:


Mr. sc. Nihada Glamoč, dipl.ing.maš.



Izvršni direktor:


Mr. Mehmed Mehovtć, dipl.oec.

Broj i datum ugovora, 64/19

Broj i datum ugovora, 014/19

Datum: 13.03.2019.

12-03-2019